

Jasmin Duvnjak
delegat u Domu naroda
Parlamenta Federacije BiH

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 31-03-2022			
Org. jed.	Broj	Priloga	Vrijednost
02	-11-	2523	121

60X

Sarajevo, 31.3.2022. godine

PARLAMENT FEDERACIJE
BOSNE I HERCEGOVINE
DOM NARODA
n/r gđin Tomislav Martinović, predsjedavajući

U skladu sa članom 144. stav 2. Poslovnika o radu Doma naroda Parlamenta Federacije BiH, podnosim:

Prijedlog Zaključka

u okviru tačke dnevnog reda : Prijedlog Budžeta Federacije BiH za 2022. godinu.

Tekst Prijedloga Zaključka:

Dom naroda Parlamenta Federacije BiH zadužuje Vladu Federacije BiH da prilikom eventualne izmjene i dopune Budžeta Federacije BiH za 2022. godinu ili u pripremi Budžeta Federacije BiH za 2023. godinu planira sredstva u iznosu od 2.000.000,00 KM za modernizaciju i rekonstrukciju stadiona Bilino polje u Zenici.

OBRAZLOŽENJE ZAKLJUČKA

Stadion Bilino polje sagrađen je 1972. godine u samom centru Zenice.

Tih godina Bilino polje proglašeno je najljepšim stadionom u Jugoslaviji i taj primat zadržao je sve do kasnih 80-tih kada je rekonstruisan stadion Poljud u Splitu.

Lokalitet na kojem se nalazi stadion ima veliku historijsku vrijednost još iz vremena srednjovjekovne bosanske države.

Bilino polje predstavlja pravi "engleski" tip stadiona koji nema atletsku stazu.

Bilino polje do sada je ugostilo mnoge poznate reprezentacije, između ostalih svjetske i europske prvake. Na ovom stadionu naša državna nogometna reprezentacija odigrala je 1996. godine svoju prvu zvaničnu utakmicu. Zenički stadion danas uživa veliki renome u BH i evropskom nogometu.

Stadion Bilino Polje je rekonstruisan kako bi mogao ispuniti sve uslove koje nalažu strogi propisi UEFA-e i dobio je licencu za odigravanje međunarodnih utakmica. Kapacitet stadiona je smanjen na 15.600 sjedećih mjesta. Pored toga hram zeničkog nogometa dobio je nove plastične stolice, svlačionice, semafor, odvojenu tribinu za goste, novinarske lože, tunel za izlaženje igrača i ostale popratne objekte.

Dakle, Bilino Polje je kroz vrijeme doživjelo više rekonstrukcija sa ciljem poboljšanja uslova odigravanja utakmica kako NK Čelik tako i reprezentacije BiH.

Zapadna tribina dobiva novi krov i stolice, a istočna tribina dobiva nove VIP lože i funkcionalne novinarske lože kao i nove stolice 2009.godine i Grijani (novi) travnjak, drenaža istog i nova ograda na tribinama 2012.godine, te nove stolice za rezervne igrače i rekonstrukciju reflektora.

Zenica posljednjih godina bilježi nesvakidašnji fenomen razvoja sportske infrastrukture kakav se rijetko sreće i u zemljama razvijenog svijeta. Sport je odavno prestao biti puka zabava i igra. Značaj sportskih objekata daleko prevazilazi potrebu da se udovolji kriterijima organiziranja ligaških takmičenja i trenažnog procesa. Naš odnos prema sportu ogledalo je našeg odnosa prema mladima, jer su oni logična i ciljana grupa sportskih razvojnih projekata. Osim toga, zajednica koja ulaže u sport privlači i privredne investitore kojima je to siguran signal da dolaze u sredinu koja se ozbiljno odnosi prema građanima i poslovnim partnerima.

Uprava Grada i Vlada Zeničko-dobojskog kantona su prepoznale značaj ulaganja u sportsku infrastrukturu i zato su u posljednjih 15 godina nekoliko desetina miliona KM uložile u obnovu i modernizaciju stadiona, pri čemu su dobili minimalnu podršku viših nivoa vlasti u Bosni i Hercegovini. Vrijeme je da se to promijeni. Vrijeme je da se snažnije istakne zahtjev državnim i federalnim organima vlasti da se značajnije uključe u dovršetak jedne uspješne priče o zeničkoj dolini sportskih hramova.

Nakon Atletskog stadiona, Gradske arene i Nogometnog centra BiH koji su građeni isključivo lokalnim sredstvima, javila se inicijativa da se, s obzirom na značaj Zenice kao grada sa odlično organiziranom sportskom infrastrukturom u BiH, pokrene rasprava o modernizaciji, rekonstrukciji i dogradnji stadiona Bilino polje s ciljem izgradnje nogometnog borilišta elitne kategorije u skladu sa najvišim kriterijima FIFA-e i UEFA-e, gdje bi se mogle odigravati utakmice najvišeg ranga, a da to ovaj put značajnije podrži i vlast Federacije BiH. Navijači Čelika, nacionalne reprezentacije Bosne i Hercegovine i svi ljubitelji nogometa zaslužuju više od onoga što trenutno stadion Bilino polje može ponuditi kao istinski Dom nogometne reprezentacije Bosne i Hercegovine (Zmajevo gnijezdo).

Delegat

Jasmin Duvnjak

